



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno CCCCLII. ad annum CCCCLXXX.

**Parisiis, 1644**

Concilivm Africanvm IV. Svb Innocentio Anno Domini 407.

**urn:nbn:de:hbz:466:1-14918**

rum coerci-  
tio quæ,  
qualis, cu-  
iusve utili-  
tatis.

putati, imperatorem cōuenissent, priuatæ episcoporum, & inter alias Maximiani Baiaiensis episcopi querelæ præcurrerant. Vt ergo Donatistarum furor & sæuitia coerceretur, Honorius imperator diuersas sanctiones adiecit, quibus multam aurariam decem librarum iisdem persoluendam imposuit: testamento aut donatione aliquid accipere prohibuit, emptionis & venditionis contractu interdixit, ac demum recusantes redire ad vnitatem ecclesiæ relegari mandauit. Harum legum seueritate & timore plurimi ad ecclesiam reuersi fuerunt: idque magno totius Africanæ ecclesiæ gaudio. August. epist. 48. 50. & 68. Quam ob causam Stilicone secundum & Arthemio consulibus, anno nimirum Christi 405. Innocentii 4. Carthagine conuenientes, nihil aliud decreuerunt, quam vt per legationem ad comitatum ablegatam, imperatori de illis, qui relicto schismate ad catholicam ecclesiam rediissent, gratiæ agerentur. Vide Baron. anno 405. num. 34.

Decreta  
legatio quæ  
imperatori  
gratias a-  
git.

TOLETANA SYNODVS

SVB INNOCENTIO.

NOTA.

**H**ÆC est illa Synodus Toletana, in qua de ordinationibus perperam factis actum fuit, & ad quam Innocentius epist. 23. supra extantem scripsit. Hanc ab illa priore sub Anastasio habita diuersam esse, supra in notis eiusdem Synodi probauimus, quas consulere poteris.

CONCILIVM AFRICANVM IV.

SVB INNOCENTIO

Anno Domini 407.

**E**XTAT Græce & Latine infra in Concilio Africano sub Cælestino: Incipit sic: *Gloriosissimis imperatoribus Honorio septimum, & Theodosio secundum, iterum Augustis consulibus, Idibus Iunii, &c.* cum sequentibus capitulis: quorum primum in Mileuitano II. est numero nonum, & in Africano, sexagesimum secundum.

ANNO  
CHRISTI  
407.

NOTÆ.

Locus &  
tempus  
Concilii.

\* *Concilium Africanum.*] Hoc Concilium, vt ex annotatis consulibus liquet, habitum fuit Carthagine anno salutis nostræ 407: qui est Innocentii 6. Arcadii & Honorii 13. inter alia statuta ibidem decreta est legatio ad Honorium imperatorem, pro defensione rerum ecclesiasticarum aduersus Donatistas, atque paganos: sancitumque vt ad comitatum euntes formatas acciperent ad Romanum pon-

ANNO  
CHRISTI  
407.

tificem, a quo aliam quærent formatam ad imperatorem: ideo sane hæretici catholico nomine velarentur. Nam illi tantum, teste Optato, manifesti catholici habebantur, quos cum Romano pontifice communicare, formatæ ab eo acceptæ testabantur. Præceptum est etiam, vt formatis dies Paschæ illius anni apponatur: & si propter nondum diulgatam diem Paschæ is definite non sciretur, decretum est apponi diem anni præteriti, scilicet, post diem Paschæ anni præteriti: vt euenire solet, cum in publicis scriptis, post consulatum, quid factum scribitur.

*Placuit etiam vt de dissensione.*] Romanus pontifex in causa S. Ioannis Chrysoptomi aduersus Theophilum Alexandrinum, & in omnes alios episcopos, qui cum illo aduersus eundem Chrysoptomum conspirant, mirum in modum commotus fuit; adeo vt missas ab illis epistolas accipere noluerit. De hac dissensione Theodorus diaconus apud Palladium hæc ait: *Est autem Romane ecclesie sententia, non communicare in finem vsque orientalibus episcopis, maximeque Theophilo, donec Dominus vniuersalis Synodi tribuat locum, ac per eam curet putrida membra eorum qui ista gesserunt.* Publico itaque Decreto legatis Romam missis mandatum est, vt Africanam ecclesiam, per literas ad Innocentium scriptas, Romanæ ecclesie reconcilient. Baronius anno 407. num. 4. & 5.

Can. 68.  
Romanus pontifex Chrysoptomi iniurias vindicat.

CONCILIVM AFRICANVM V. ET VI.  
SVB INNOCENTIO

Anno Domini 408.

ANNO  
CHRISTI  
408.

**E**XTAT Græce & Latine infra in Concilio Africano: suntque ambo huius exordii: *Basso & Philippo viris clarissimis consulibus, &c.*

NOTA.

*\* Concilium.*] Post Stiliconem occidentalis imperii perduellem ac proditorem, ab Heracliano anno Christi 408. interfectum, in Africa gentiles & Donatistæ falso rumore iactabant, nequaquam ex voluntate Honorii imperatoris, sed opera dumtaxat Stiliconis leges contra se latas extitisse, adeoque earumdem auctoritatem vna cum ipso Stilicone extinctam esse. Vicissim itaque in catholicos insurrexerunt, plurimosque etiam episcopos necauerunt. Hac occasione Carthagine duobus Conciliis duæ legationes ad imperatorem decretæ fuerunt: quæque per Stiliconem in hæreticos & gentiles statuta erant, Honorius per legatos & Augustini epistolam sollicitatus, ex sua sententia multis rescriptis confirmavit & ampliauit. Baron. anno 408. num. 18.

Causa Conciliorum.

Decreta & acta Conciliorum.

Concil. Tom. 4.

N ij